

Scuperta di u mondu

Ciculu II

I cinque sensi

Ogettivu : Cunnosce i cinque sensi è l'urgani chî li currispondenu da metteci in leia cù u mondu in giru à noi.

Materiale : Tichette cù l'urgani di i sensi : u nasu, l'arechja, l'ochju, a manu (a pelle), a lingua.

Sbucinera : Prima tappa : Travagliu cullettivu

U maestru s'appoghja nantu à u cuntrastu trà Cappuccinella Rossa è u lupu in casa di a mammone per ritruvâ e parolle « ochji », « bracce », « arechje ».

Prupone una seria di dumande per fâ dî à ciò chî ghjovanu l'ochji, à chî ghjovanu l'arechje...

Scrive à u tavulone :

- l'ochji ghjovanu per vede.

- l'arechje ghjovanu per sente.

Face truvâ l'altri urganu cù i sensi chî li currispondenu (a vista, u tuccà, l'udî, l'odoratu, u gustu). U maestru serà attentu à spiecà à i zitelli chî per schisà a cunfusione trà « sente » cù u nasu è « sente » cù l'arechje, s'aduprerà e parolle « l'udî » per u sensu chî l'organu hè l'arechja è « l'odoratu » per u sensu chî l'organu hè u nasu.

U maestru dumanda dinù à chî ghjovanu i sensi di modu generale.

Seconda tappa : travagliu cullettivu

Custruzione cullettiva di u « teni à mente » da cupià nantu à u quaternu di scuperta di u mondu.

* *I sensi ci mettenu in leia cù u mondu in giru à noi.*

* *I cinque sensi sò : a vista, u tuccà, l'udî, l'odoratu, u gustu.*

- *l'ochju hè l'organu di a vista.*

- *l'arechja hè l'organu di l'udî.*

- *u nasu hè l'organu di l'odoratu.*

- *a lingua hè l'organu di u gustu.*

- *a pelle hè l'organu di u tuccà.*

Si puderà à un antru mumentu prupone un travagliu più specificu nantu à u gustu (a settimana di u gustu) per definisce i 4 sapori cù u schema di a lingua cù e parte sensibile à l'amaru, à l'acidu, à u salitu è à l'inzuccheratu.

Travagliu individuale : Fisce per u sculare.